

BM 150.115
352
1128

長垣縣志稿

卷之三
卷之二
卷之一

敘目圖沿封職
例錄攷草爵官
表表表

4

長垣縣志敘例

直隸大名府長垣縣知縣安邱李于垣撰

志與史義同而體異州縣之志古者侯封一國之書也掌故治法皆備焉是必先宗體例慎所取裁綱目相維小大畢舉庶可上承統志首志郡志之全爲史部之支流一邑之綱要茲作縣志爲圖十有六表四書五記三錄三部爲十六卷各有小序以明志義

志首列圖考做古圖經之意以作掌上之索也舊志作圖未能明晰茲則開方計里作縣境總圖一分圖五按里計之不夾銖黍邑水患爲最大故河道圖次之至於城池廨署學宮義倉先賢祠墓各以次爲圖庶開卷瞭然有當於

長垣縣志

敘例

古人左圖右史之義

表有四首沿革次封爵次職官次選舉有應詳者沿革則附之以攷職官外有循政記選舉外有人物記有毋庸詳者封爵作表知漢爲侯國以昭侯籍無所用其別志也舊志沿革過略茲以各史地志並括地志元和郡縣志太平寰宇記以及各書記載作沿革攷以詳明之表略而攷詳相輔而行也

史部要義有文辭者曰志曰傳無文辭者曰圖曰表虛實相資詳略互見馬班史法千古不易矣今之作志者每不作為表概編之曰志以職官之知縣丞簿選舉之進士舉貢分類相從遂使順治年之縣丞舉人次於嘉慶年知縣進

士之後觀書者欲考其同僚共事同科同時先後歲年反
覆難究直似一官吏點名冊耳夫志爲一邑之史不明班
分類附之法不知年經事緯之理宜其進退失據不中史
法也舊志沿革過畧茲作表作攷以詳之舊志不載封爵
茲據漢書魏志補之舊志職官多闕茲據金石補之舊志
選舉入於人物今作表以別之庶有合乎志體

職官選舉二表蓋倣班史百官公卿表法年經事緯爽若
列眉按格而稽有所考索職官於姓名之下註其鄉貫科
甲仕至某官選舉進士舉貢姓名下註其官爵以爲記傳
之敘目有名列於表而不入記傳者乃無德可稱藉表以
著其姓名歲月而已無者闕之舊志不載主簿姓名今以

長垣縣志

敘例

二

金石記載補入

舊志職官周有句須漢有常惠後唐有孔相循案左傳成
公十七年施氏卜宰匡句須吉杜註卜立家宰非匡城之
宰也漢書功臣侯表常惠封長羅侯非邑之令長不應闈
入職官故另作封爵表以別之五代史雜傳孔循唐莊宗
時權知汴州亦非長垣宰令不應列入又誤以孔循爲孔
相循俱考正削去以孔循事載入事紀書有案語攷證
長垣職官舊志闕而今增補者據宋史增長垣尉李公麟
一人據各碑刻增補知縣三人縣丞七人教諭八人訓導
十人主簿三十三人巡檢一人典史八人

舊志選舉載元進士李好文案元史李好文列傳爲東明

人不應列長垣志中故刪之選舉表後附例貢例職似近於濫因仍舊志所載未便削之漢苗霸司馬相如皆以貴進一以政事一以文章彪炳史冊疇論其始進哉在人之自立耳

方志以輿地為主圖表既成地理宜晰司馬遷作天官書班固因之作地理志并詳分野亦因地而占所分之星耳茲準馬班兩家之意作地理書首詳分野而後以疆域形勝里甲山川河堤古蹟塚墓次第詳列庶幾開卷可稽

舊志里甲村莊未能詳備今以縣境東西南北東南五路共一千六十四村莊編戶六十一里俱詳明道里俾有所攷邑屢有水患河隄最重考訂尤詳古蹟譌者正之闕者補之必博引載藉一衷於是

長垣縣志

敘例

三

疆域既定輿地既明則城邑解署壇壝祠廟建置之所當書也舊志別志學校今倣康對山武功志例歸於建置至於先賢先儒位次以及歷代封爵載於會典闕里志者普天同例非一邑所專義所當畧近代方志每列寺觀夫寺觀何足云建置耶今以寺觀載於里甲某里某村下以存其名所以抑二氏也

田賦備載一邑之賦役凡戶口田糧畱支起運悉照賦役主書編輯以見制度有經唐李吉甫國計簿宋李常元祐會計錄是其例矣乃倣而爲之

劉昭補後漢書志易禮樂而爲禮儀爲後世儀注入志之

本聖人功成制禮治定作樂所謂範民以敬導民以和典至鉅也我

朝

會典所載典章美備鉅細兼該凡慶典祀典與夫一切禮儀州邑所通行者自宜編輯以明禮教乃舊志闕焉茲謹照會典禮例編爲典禮書俾率而行之知掌故所存有所攷云

恩澤
以昭
宋三朝藝文志曰西漢有掌故之吏以主故事則名之所起不其遠乎史遷大事記史家奉爲遺法茲別爲事紀彙載

聖朝

渥愷邁越前古也次載祥異以重天時故事以鏡人事倣古人紀載之體輯而成書凡古今之事有關於長垣者如

長垣縣志

敘例

四

指諸掌矣

史記循吏五人漢書循吏六人垂範後世以見循吏之難蓋其慎也至於正史外則有梁元帝丹陽尹傳十卷賀氏會稽太守贊二卷唐成都幕府記二卷宋費樞廉吏傳十卷皆取莅是邦者之名蹟而敘之義例皆可尋繹舊志於職官條下備書政績不知職官爲名宦之綱目猥雜而書失其意矣茲作循政記義例謹嚴益致其慎非特意存補救從政者亦當知所勉也

隋書經籍志曰古之史官必廣其所記外史掌四方之志則諸侯史記兼而有之故自公卿諸侯至於羣士善惡之迹畢集史職而又閭胥族師黨正書而入之鄉大夫鄉大

夫三年大比考其德行道藝而獻其書登於天府是以窮
居側陋之士言行必達皆有史傳漢武帝時始舉賢良文
學天下計書先上太史司馬遷班固撰而成之以人別爲
篇標傳稱列所由來矣後漢光武始詔南陽撰作風俗故
沛三輔有耆舊節士之序曾廬江有名德之讚郡國之書
由是而作方志爲一邑之史古今人物當一一記之以待
史官采擇卽古外史之遺意也

表書皆史體獨易傳而日記何也蓋志家之傳善善從長
非若史官作傳善惡褒貶可以大書而特書也晉習鑿齒
襄陽耆舊記鍾離岫會稽後賢傳記唐李襲譽江東記皆
以傳而稱記者可倣以爲例

長垣縣志

敘例

五

邑爲衛地古來人物自蘧伯玉而下代不乏人其已詳前
史者則錄其原文列曰史傳餘則本之舊志據所見聞分
類以列或有年遠莫攷者則畧而弗詳以合闕疑之義
生不立傳志體也人物記中惟耆壽有見存者因識鄉飲
賓耆並五代同堂以見

昇平人壽之瑞至於義行廣爲附載者高義固可風細行
亦必錄或附一二見存之人亦與人爲善之意可勸薄俗
勵民風也

人物記外另記列女專門以敦風教范蔚宗後漢書作列
女傳放於劉向羅列女行曹昭重其學文姬重其才不專
爲節烈一門也若使專書節烈一門則史書男子但具忠

節之臣一傳可乎茲倣其例記列女首賢懿次貞烈次節婦次孝婦次德壽連類以敘庶合劉向遺意

列女記賢懿皆本之舊志至於前明至今貞烈節孝舊志所載僅七十餘人茲則責成采訪諸人悉心搜訪增至八百餘人雖未得邀

旌典者嘉其苦志亦必類列以著芳型他若割股封肝乃毀身滅性之孝

功令不准旌表者亦憐其愚而姑記之

舊志列女載無鹽后烏縣東鍾村人案劉向列女傳齊鍾離春者齊無鹽邑女也水經注汶水西流逕無鹽縣之故城南舊宿國也齊宣后之故邑所謂無鹽醜女也漢書地

長垣縣志

敘例

六

理志無鹽縣屬東平國元和郡縣志東平縣兩漢爲無鹽地後齊於此置須昌縣無鹽故城在縣東三十六里列女傳曰無鹽有醜女名宿瘤齊宣王善之立爲夫人卽此縣女也據此則無鹽非長垣鍾村人且長垣衛地後屬魏亦非齊地故刪去以嚴志體

漢劉向校經傳諸子詩賦條其篇目錄而奏之子歆卒父業總羣書而奏其七畧首曰輯畧師古曰輯與集同謂諸書之總要班固承之作藝文志後之史家遞相效法長垣邑人著述無多卽有存者俱係詩文集非專門著書家可比是以俱詳本傳可不必另創藝文篇目惟有錄其記事敘述之文並詩歌之有關於長垣者編爲藝文錄以非班

氏藝文之體故倣梁阮孝緒七錄之意名之曰錄蓋以詳畧互存徵事得實爲重也

舊志八卷藝文居其半繁猥而登殊乖體要茲細加芟削並另輯若干篇爲上下二卷以資攷證

藝文旣與志相表裏復搜羅金石以補闕遺鄭夾漈通志有金石畧所以證前史之闕也茲倣而作金石錄凡宋元以前碑刻則錄其全文明碑則存其目取其官階科第年月姓名以爲攷訂其文其事之有足采者亦全錄之於志事實大有裨焉

州縣之書迹微易隱若無專錄坐使前志難傳姓名易沒豈非得魚忘筌又何怪乎攷失難攷乎終之以敘錄者詳而志之源流可以見矣

長垣縣志

敘例

七

其取裁之旨傳述之由倣常璩華陽國志敘錄推明其故而志之源流可以見矣

考證引用各書悉本原文並標書目錄舊志者亦必註明亦衛正叔惟恐不出於人之意

長垣志自康熙庚申歲知縣宗琮修輯後至今百三十年雍正庚戌知縣胡承璘撰續志稿四卷未成之書零紙斷頁字畫多訛况閱今又八十年故老無存文殘獻失是亦長吏之責也歲在丁卯二月于垣由曲陽調任長垣紳士卽以修志爲請諾之而未能行也戊辰夏邑之人力請不已由是申請

各憲均蒙批准允行乃設局延儒搜訪事蹟於十二月開

局編纂至己巳八月脫稿九閱月而書成其一切刊置經費士民樂輸皆紳士經理嚴飭吏胥不得與聞迺作敘例二十八則發明作志之義識其大畧云並書修志姓名於右

是志也總修則知縣安邱李于垣也纂修則陽湖楊元錫也校閱則教諭韓鈞署訓導朱垂廣訓導李之模縣丞黃弒也督刊則典史劉世治也繪圖則曲阜儒士李克廣邑人儒士劉廷楷也首事則邑人分發福建知縣楊怡曾原任曲陽教諭李希舉人候選教諭李敏曾分發河南縣丞鄭綱恩貢生趙纘緒歲貢生孫復元戴鈞生員趙展經田湛翟呈瑞也分理則分發縣丞楊倣候選縣丞李友曾布

長垣縣志

敘例

八

政司理問銜頓夔龍也采訪則候選翰林院待詔王搏衛千總焦連登廩生張麓張逢午李果珍監生陳維照雲東忠生員田士彥崔淳頓恒年徐道榮許一寧焦連桂樊自厚湯華國尹體禮張銘候選衛千總傅廷傑縣丞銜傅永圖從九品銜趙綱孫淳武生王會武也校字則候選訓導楊一騫廩生呂原謨

戴聯洲生員張象泰翟朝璋儒士馬見龍部毓鴻也瞻錄則廩生雲履豐張仁普生員李春山田文嘒張淑灝李溱儒士頓遂傳崔棟楊垣也

下俱邑人

長垣縣志目錄

圖十六

表四

書五

記三

錄三

卷一

圖攷第一

縣境總圖一
縣境分圖五
河道圖
縣城圖
縣署圖
學宮圖
岡圖
雙忠祠圖
義倉圖
墓圖
仲子墓圖
義倉圖
遠子祠圖
遠子

卷二

沿革表第二

沿革表
沿革攷

長垣縣志

目錄

一

封爵表第三

卷三

職官表第四

卷四

選舉表第五

卷五

地理書第六

星野
疆域
形勝
里甲
河隄
古蹟
塚墓
風俗
山川

卷六

建置書第七

城池
公廨
公所
學校
義學
壇廟
倉儲
兵防
書院
驛站
鋪遞
橋梁
市集
郵政
坊

卷七

田賦書第八 地畝 丁銀 戶口 畱支 丁匠 起運 額賦 鹽課 耗羨 雜稅 物產

卷八

典禮書第九 慶典 祀典 禮儀

卷九

事紀書第十 恩澤 祥異 故事 識餘

卷十

循政記第十一

卷十一

人物記第十二 先賢傳 史傳 政事 忠節 文苑 武功 卓行 懿德 耆壽 義行 流寓 方技

長垣縣志

目錄

二

卷十二

列女記第十三 賢懿 貞烈 節婦 孝婦 德壽

卷十三

藝文錄第十四

上卷 諭 疏 記 序

卷十四

藝文錄

下卷 傳 說 碑 墓表 誌銘 祭文 賦 贊 銘 詩

卷十五

金石錄第十五

卷十六

敘錄第十六

長垣縣志

目錄

長垣縣志卷第一

圖考

周禮大司徒掌邦之土地之圖周知九州之域廣輪之數夏官司險掌建九州之圖周知山林川澤之阻達其道路迨漢入關蕭何先收圖籍則圖之重於古也久矣漢有三輔黃圖隋有區宇圖志諸州圖經唐有十道圖元和郡縣圖志宋景德四年詔校定四方郡縣所進圖經是圖之傳者代有其書特以吏部不收再傳而散佚耳夫志不立表而世次年月於文字猶可求志不立圖則名象地形非言辭所能著而圖之所以重於表也倘不爲釐定篇次欲望如三輔黃圖元和郡縣圖志之圖

長垣縣志

卷之一

圖考

亡而書存且不可得矣釋名曰南北爲經東西爲緯茲以開方計里爲經而以縣鄉村落爲緯俾閱者按格可稽易於披索并以城郭衙署倉儲祠廟一一爲圖庶一邑典章制度指掌可得焉

圖目

縣境總圖

縣境東路之圖

縣境東南路圖

縣境南路之圖

縣境西路之圖

縣境北路之圖

河道圖

縣城圖

縣署圖

學宮圖

學堂岡圖

雙忠祠圖

濂子祠圖

濂子墓圖

仲子墓圖


義倉圖

長垣縣志

卷之一

圖考

二



府長垣縣

邑

屬陳留郡

長羅侯

國屬陳

曹後漢

省

魏高長

垣縣屬

陳留郡

八年併城置長垣縣大隸河南

景明三業初仍永平軍

年復置省入韋節度使

更號義

城

齊周皆

因之

軍

改宣義

成軍又

長垣縣志

卷之二 沿革表

二

沿革攷

長垣於禹貢屬豫州之域

尚書禹貢荆河惟豫州孔安國傳西南至荆山北距河水正義曰距至也

禹貢錐指豫州有當來屬者兗城靈昌之匡城以今輿地言之河南則河南開封歸德南陽汝寧五府及汝州直隸則大名府之東明長垣山東之定陶曹縣城武單縣江南之潁州潁上太和亳州蒙城湖廣之襄陽光化宜城棗陽穀城均州鄖陽府之鄖縣保康及鄖西之東境德安府隨州之北境皆古豫州域也

舊志長垣為禹貢冀兗豫三州之域案禹貢錐指豫北